

Na osnovu člana 56. stav (10) Zakona o osnovnom odgoju i obrazovanju ("Službene novine Tuzlanskog kantona", broj: 9/15), na prijedlog Pedagoškog zavoda Tuzlanskog kantona, ministar obrazovanja, nauke, kulture i sporta Tuzlanskog kantona, donosi

P R A V I L N I K
o izmjenama i dopunama Pravilnika o eksternoj maturi u osnovnim školama

Član 1.

U Pravilniku o eksternoj maturi u osnovnim školama („Službene novine Tuzlanskog kantona“, broj: 3/16), u članu 28. stav (4) mijenja se i glasi:

„(4) Podaci o maturi se upisuju u knjigu zapisnika o polaganju eksterne mature u osnovnoj školi i matičnu knjigu.“

U istom članu stav (5) mijenja se i glasi:

„(5) Podaci o maturi, za svakog učenika, unose se u matičnu knjigu u rubriku “Napomena”.“

Stav (7) ovog člana mijenja se i glasi:

„(7) Škola, na osnovu podataka iz knjige zapisnika o polaganju eksterne mature u osnovnoj školi i matične knjige, izdaje duplikat uvjerenja, na način predviđen zakonom i ovim pravilnikom“.

Član 2.

Iza člana 28. dodaje se novi član 28a. koji glasi:

„Član 28a.

(Knjiga zapisnika o polaganju eksterne mature u osnovnoj školi)

(1) Knjiga zapisnika o polaganju eksterne mature vodi se u tvrdokoričenoj svesci veličine 21 x 30 cm, sa numerisanim stranicama.

(2) Zapisnik o polaganju eksterne mature učenika u osnovnoj školi sadrži: ime (ime jednog roditelja) i prezime učenika, redni broj učenika upisanog u matičnoj knjizi, datum polaganja eksterne mature, uspjeh učenika na eksternoj maturi po nastavnim predmetima (bodovi i procenat), ukupan broj bodova i procenat koji je učenik ostvario na eksternoj maturi, broj izdatog uvjerenja o polaganju eksterne mature učenika u osnovnoj školi, potpis razrednika i potpis predsjednika školske komisije.

(3) Knjiga zapisnika o polaganju eksterne mature vodi se za jednu ili više školskih godina i dokument je trajne vrijednosti.“

Član 3.

Ovaj Pravilnik stupa na snagu danom donošenja i bit će objavljen u „Službenim novinama Tuzlanskog kantona“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo obrazovanja, nauke,
kulture i sporta
Broj:10/1-02-013930/16
Tuzla,26.5.2016.godine

M I N I S T A R

mr.sc. Zlatan Muratović, s.r